

Na osnovu člana 15. Zakona o principima lokalne samouprave u Federaciji BiH ("Službene novine FBiH", br. 46/08 i 51/09), člana 107. Statuta Općine Ilijaš – prečišćeni tekst ("Službene novine Kantona Sarajevo", broj: 20/09 i 46/18), člana 16. i 17. Zakona o poticaju razvoja male privrede ("Službene novine Kantona Sarajevo", br. 29/15), člana 6. Odluke o podsticaju privrednim subjektima na području općine Ilijaš kroz regresiranje ukupne kamatne stope ("Službene novine Kantona Sarajevo", br. 17/20), te člana 3. Pravilnika o uslovima, kriterijima i načinu provedbe Odluke o podsticaju privrednim subjektima na području općine Ilijaš kroz regresiranje ukupne kamatne stope, br.01/2-11-930/20 od 05.06.2020. godine, Općinski načelnik objavljuje:

## **JAVNI POZIV**

### **poslovnim bankama za plasman kreditne linije uz regresiranje ukupne kamatne stope prema privrednim subjektima na području općine Ilijaš**

Pozivamo poslovne banke da dostave ponude za pružanje bankarske usluge "Plasman kreditne linije uz regresiranje ukupne kamatne stope prema privrednim subjektima na području općine Ilijaš osiguranih Budžetom Općine Ilijaš za 2020. godinu".

Ukupna sredstva za podsticaj u 2020. godini na ime regresiranja ukupne fiksne kamatne stope iznose 100.000,00 KM (stotinu hiljada KM), a ista se osigurana Budžetom Općine Ilijaš za 2020. godinu.

Cilj podsticaja je podrška privrednim subjektima radi održavanja postojećeg nivoa privrednih aktivnosti, zaposlenosti i novih investicija.

Korisnici podsticaja mogu biti svi privredni subjekti (privredna društva i samostalni preduzetnici), koji imaju registrovano sjedište ili poslovnu jedinicu/podružnicu na području općine Ilijaš.

Utvrdjivanje prava na poticaj, odnosno ispunjenost propisanih uslova za podsticaj će se provoditi putem odabrane banke po osnovu Javnog poziva.

### **OBAVEZE ODABRANE BANKE**

1. Banka je obavezna nakon zaključivanja Ugovora pripremiti i objaviti Javni poziv za dodjelu podsticajnih kreditnih sredstava.
2. Banka je u obavezi u postupku odabira korisnika kredita utvrditi ispunjenost uslova od strane aplikanta u smislu važećih propisa sistema državne pomoći u Bosni i Hercegovini.
3. Banka uz pismenu saglasnost Općinskog načelnika zaključuje ugovore sa korisnicima kreditnih sredstava.
4. Odobreni kredit po jednom korisniku se ograničava na maksimalni iznos od 300.000,00 KM za privredna društva i 50.000,00 KM za samostalne preduzetnike/djelatnosti fizičkih lica, sa minimalnim rokom otplate od 12 mjeseci i maksimalnim rokom otplate od 60 mjeseca.
5. Banka se obavezuje godišnje izvještavati Općinu Ilijaš o namjenskom trošenju odobrenih kreditnih sredstava.

Detaljnije obaveze odabrane banke su utvrđene Pravilnikom o uslovima, kriterijima i načinu provedbe Odluke o podsticaju privrednim subjektima na području općine Ilijaš kroz regresiranje ukupne fiksne kamatne stope.

### **USLOVI ZA UČEŠĆE**

Banka putem koje se provoditi podsticaj mora ispunjavati propisane uslove, koje dokazuje u postupku apliciranja na ovaj Javni poziv, prilažući sljedeću dokumentaciju:

- a) Rješenje o upisu u sudski registar,
- b) Licenca (dozvola za rad) nadležne Agencije za bankarstvo,
- c) Certifikat Agencije za osiguranje depozita,
- d) Uvjerenje o poreznom i identifikacionom broju i Uvjerenje o PDV broju,
- e) Uvjerenje nadležne Poreske uprave o izmirenim porezima i doprinosima kojim se potvrđuje da su izmireni direktni porezi, te doprinosi za PIO/MIO i zdravstveno osiguranje (ne starije od 3 /tri/ mjeseca od dana podnošenja prijave),
- f) Izjava da je banka pozitivno poslovala u prethodne 3 /tri/ godine,
- g) Uvjerenje nadležnog suda kod kojeg je izvršena registracija da nije pod stečajem, niti je predmetom stečajnog postupka, da nije predmetom postupka likvidacije, odnosno da nije u postupku obustavljanja poslovne djelatnosti u skladu sa važećim propisima,
- h) Izjava da visina kapitala na dan 31.12.2019. godine nije manja od 100 miliona KM, i opciono
- i) Dokaz da banka posjeduje organizacionu jedinicu na području općine Ilijaš.

Svi dokumenti koji se prilaže uz prijavu moraju biti u originalu ili ovjerene kopije nadležnog tijela uprave ili notara.

## MJESTO I NAČIN PODNOŠENJA PONUDA

Banke - aplikanti dostavljaju prijave u zatvorenoj koverti. Prijave se predaju na protokol Općine Ilijaš ili putem pošte.

Na prednjoj strani koverte mora biti navedeno, sljedeće:

**Općina Ilijaš**

**126. ilijaške brigade br. 6., Ilijaš**

**71 380 Ilijaš**

**/"Prijava na Javni poziv prema bankama – NE OTVARAJ"/**

Na poleđini koverte mora biti navedeno, sljedeće:

**Naziv podnosioca**

**Adresa i poštanski broj**

**Kontakt telefon**

**(upisane podatke na poleđini koverte, obavezno ovjeriti pečatom podnosioca prijave)**

Ponude se dostavljaju 15 (petnaest) dana od dana objavljivanja u dnevnom listu – Oslobođenje.

Sve ponude zaprimljene nakon tog vremena su neblagovremene, i kao takve će biti odbačene.

Ponuda se čvrsto uvezuje tako da se onemogućí naknadno vađenje ili umetanje listova. Stranice ponude moraju biti numerisane, odnosno kontinuirano označene brojevima tako da je jasno vidljiv redni broj stranice.

Ponude koje ne budu na propisan način uvezane i/ili numerisane će biti odbačene.

## VREDNOVANJE PONUDA

Prispjele ponude će biti vrednovane putem Komisije za odabir banke, a u skladu sa metodologijom i kriterijima utvrđenim Pravilnikom o uslovima, kriterijima i načinu provedbe Odluke o podsticaju privrednim subjektima na području općine Ilijaš kroz regresiranje ukupne kamatne stope.

Kriteriji za vrednovanje ponuda su sljedeći:

- a) visina kamatne stope, učešće kriterija 70 %,
- b) troškovi obrade kredita, učešće kriterija 20%,
- c) visina sredstava za kreditnu liniju, učešće kriterija 5 %,
- d) postojanje filijale/poslovnice na području Općine, učešće kriterija 5 bodova.


## OSTALE ODREDBE

Općina Ilijaš ne snosi nikakve troškove učesnicima ovog Javnog poziva, kojeg provodi niti Javnog poziva prema privrednim subjektima, kojeg provodi odabrana banka. Općina Ilijaš zadržava pravo da poništi objavljeni Javni poziv prema bankama, ili da odbaci sve prispjele ponude u bilo koje vrijeme a prije zaključenja Ugovora.

Prispjela dokumentacija se ne vraća podnosiocima ponuda. Općina Ilijaš ne snosi odgovornost prema učesnicima ovog Javnog poziva bankama i Javnom poziv prema privrednim subjektima u pogledu aktivnosti koje su preduzeli u postupku apliciranja.

Općina Ilijaš će na pismeni zahtjev podnosioca ponude, koji bude odbijen zbog manje ocjene ponude, a udovoljava formalno-pravnim uslovima obrazložiti razloge zbog kojih ponuda nije odabrana.

Broj :01/2-11-930/20  
Ilijaš, 11.06.2020. godine



OPĆINSKI NAČELNIK

Fazlić Akif, dipl.ecc.